



**Preventiv 2023 - 2. lectüra**

In üna seguonda lectüra ha la supranza cumünala insembel culla direcziun operativa trattà detagliadamaing ils preventivs dal quint da success e dal quint d'investiziuns 2023 sco eir il plan da finanzas ed il plan d'investiziuns per tschinch ons, dal 2024 fin 2028. Ils preventivs han pudü gnir sancziunats a man da la radunanza cumünala dals 13 december 2022.

**Rumida da naiv Lavin – approvaziun contrat**

Il gremi respunsabel ha sancziunà il contrat per la rumida da naiv illa fracziun da Lavin. L'incumbenza ha pudü gnir surdatta a Jachen Andrea Schlegel, Lavin.

**Radunanza cumünala - tractandas definitivas dals 13 december 2022**

Causa conflicts da termins ha la radunanza cumünala stuvü gnir spostada sün mardi ils 13 december 2022. La glista da tractandas per quista radunanza cumünala es gnüda approvada. Principalmaing vain preschantà il preventiv dal quint da success e dal quint d'investiziun per l'on 2023. Plünavant varà lö la saramantaziun da la nouv'eletta supranza cumünala.

**Büro electoral per las votaziuns chantunalas e las elecziuns cumünalas dals 27 november 2022**

La supranza cumünala ha elet il büro electoral per las votaziuns dals 27 november 2022. Al büro electoral fan part: Riet Denoth sco president, Beat Schärer, Brigitta Enkerli, Claudia Duschletta, Schimun Grass, Ladina Rodigari e Corsin Scandella sco actuar.